



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՈՒՐԴ

Ո Ր Ո Շ ՈՒ Մ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆԱԿԱՆ ԴՊՐՈՑ» ՀԻՄՆԱԴՐԱՄԻ ՆՈՐ ԿԱՌԱՎԱՐՄԱՆ ԽՈՐՀՈՒՐԴ ԿԱԶՄԱՎՈՐԵԼՈՒ ՄԱՍԻՆ

Հայաստանի Հանրապետության փաստաբանների պալատի (**այսուհետ՝ Պալատ**) խորհուրդը, մասնակցությամբ Պալատի խորհրդի նախագահ Արա Զոհրաբյանի, խորհրդի անդամներ՝ Հրանտ Անանյանի, Մելանյա Առուստամյանի, Սեդրակ Ասատրյանի, Սիմոն Բաբայանի, Տիգրան Խուրշուդյանի, Հարություն Հարությունյանի, Նելլի Հարությունյանի և Կարեն Մեծլումյանի,

քննության առնելով «Հայաստանի Հանրապետության փաստաբանական դպրոց» հիմնադրամի (**այսուհետ՝ Փաստաբանական դպրոց**) նոր կառավարման խորհուրդ կազմավորելու մասին հարցը,

Պ Ա Ր Զ Ե Ց

Պալատի խորհրդի 26.03.2015թ. թիվ 08/7-Լ որոշմամբ կազմավորվել է Փաստաբանական դպրոցի կառավարման խորհուրդ՝ մինչև 2018 թվականի մարտի 26-ը պաշտոնավարման ժամկետով:

«Փաստաբանության մասին» Հայաստանի Հանրապետության օրենքի 45.4 հոդվածի 2-րդ մասի համաձայն՝ *փաստաբանական դպրոցի կառավարման խորհուրդը կազմավորվում է փաստաբանների պալատի նախագահից և փաստաբանների պալատի խորհրդի կողմից փաստաբանական դպրոցի կանոնադրությամբ սահմանված կարգով նշանակված առնվազն չորս անդամից և Հայաստանի Հանրապետության արդարադատության նախարարության մեկ ներկայացուցից:*

Փաստաբանական դպրոցի կանոնադրության 8.3. կետի համաձայն՝ *խորհուրդը բաղկացած է վեց անդամից: Խորհուրդը կազմավորվում է ՀՀ փաստաբանների պալատի նախագահից և ՀՀ փաստաբանների պալատի խորհրդի կողմից սույն կանոնադրությամբ սահմանված կարգով նշանակված չորս անդամից և Հայաստանի Հանրապետության արդարադատության նախարարության մեկ ներկայացուցից:*

Փաստաբանական դպրոցի կանոնադրության 8.5. կետի համաձայն՝

07 ապրիլի 2018թ.

թիվ 7/11-Ա

խորհրդի չորս անդամներին նշանակում է ՀՀ փաստաբանների պալատի խորհուրդը՝ ՀՀ փաստաբանների պալատի նախագահի առաջադրմամբ՝ երեք տարի ժամկետով: Սույն կետում նշված չորս անդամներից առնվազն երեքը պետք է լինեն ՀՀ փաստաբաններ: Հայաստանի Հանրապետության արդարադատության նախարարության ներկայացուցչի թեկնածությունը ներկայացվում է Հայաստանի Հանրապետության արդարադատության նախարարի կողմից:

Փաստաբանական դպրոցի կանոնադրության 8.5 ենթակետի համաձայն՝ Պալատի նախագահի կողմից որպես Փաստաբանական դպրոցի կառավարման խորհրդի փաստաբան անդամներ առաջարկվել է փաստաբաններ Հունան Տեր-Վարդանյանի (արտոնագիր № 1108), Նիկոլայ Հակոբյանի (արտոնագիր № 414), Հերիքնազ Տիգրանյանի (արտոնագիր № 618) և Լեոնիկ Հովհաննիսյանի (արտոնագիր № 568) թեկնածությունները, որոնք խորհրդի կողմից նշանակվել են 07.04.2018թ.:

(պարբերությունը լրացվել է [21.01.2019թ. թիվ 2/15-Ա որոշմամբ](#))

Հայաստանի Հանրապետության արդարադատության նախարարի 22.05.2018թ. թիվ 01/19.1/11114-19 գրությամբ որպես Փաստաբանական դպրոցի կառավարման խորհրդում ՀՀ արդարադատության նախարարության ներկայացուցիչ առաջարկվել է Հայաստանի Հանրապետության արդարադատության նախարարի առաջին տեղակալ Արտակ Ասատրյանի թեկնածությունը:

(պարբերությունը փոփոխվել է [11.06.2019թ. թիվ 12/13-Ա որոշմամբ](#))

Ելնելով վերոգրյալից և նկատի ունենալով այն հանգամանքը, որ Փաստաբանական դպրոցի՝ 26.03.2015թ. երեք տարի պաշտոնավարման ժամկետով կազմավորված կառավարման խորհրդի լիազորությունների ժամկետն ավարտվել է,

ի գիտություն ընդունելով այն հանգամանքը, որ Պալատի խորհրդի կողմից 21.01.2019թ. փաստաբան Հունան Տեր-Վարդանյանի փոխարեն, որպես կառավարման խորհրդի անդամ նշանակվել է փաստաբան, ի.գ.թ. Լյուդվիկ Դավթյանը (արտոնագիր № 1416), իսկ Հերիքնազ Տիգրանյանի փոխարեն՝ փաստաբան, ի.գ.թ. Ռուբեն Մելիքյանը (արտոնագիր № 2476),

(պարբերությունը լրացվել է [21.01.2019թ. թիվ 2/15-Ա որոշմամբ](#))

Պալատի խորհուրդը՝ ղեկավարվելով «Փաստաբանության մասին» Հայաստանի Հանրապետության օրենքի 45.4 հոդվածի 2-րդ մասի, Փաստաբանական դպրոցի կանոնադրության 8.3 և 8.5 կետերի պահանջներով,

Ո Ր Ո Շ Ե Ց

1. «Հայաստանի Հանրապետության փաստաբանական դպրոց» հիմնադրամի կառավարման խորհրդի փաստաբան անդամներ նշանակել՝

- **փաստաբան, ի.գ.թ. Լյուդվիկ Դավթյանին (արտոնագիր № 1416),**
(կետը փոփոխվել է [21.01.2019թ. թիվ 2/15-Ա որոշմամբ](#))
- **փաստաբան Նիկոլայ Հակոբյանին (արտոնագիր № 414),**
- **փաստաբան Ռուբեն Մելիքյանին (արտոնագիր № 2476),**
(կետը փոփոխվել է [21.01.2019թ. թիվ 2/15-Ա որոշմամբ](#))
- **փաստաբան Լեոնիկ Հովհաննիսյանին (արտոնագիր № 568):**

2. Սահմանել, որ «Հայաստանի Հանրապետության փաստաբանական դպրոց» հիմնադրամի կառավարման խորհուրդը կազմված է հետևյալ անդամներից՝

1) Արա Ջոհրաբյան՝ կառավարման խորհրդի նախագահի պաշտոնե, ի.գ.թ.,

2) Լյուդվիկ Դավթյան՝ փաստաբան, ի.գ.թ.,

(կետը փոփոխվել է [21.01.2019թ. թիվ 2/15-Ա որոշմամբ](#))

3) Նիկոլայ Հակոբյան՝ փաստաբան,

4) Ռուբեն Մելիքյան՝ փաստաբան, ի.գ.թ.,

(կետը փոփոխվել է [21.01.2019թ. թիվ 2/15-Ա որոշմամբ](#))

5) Լեոնիկ Հովհաննիսյան՝ փաստաբան,

6) Արտակ Ասատրյան՝ ՀՀ արդարադատության նախարարության ներկայացուցիչ, ՀՀ արդարադատության նախարարի առաջին տեղակալ:

(կետը փոփոխվել է [11.06.2019թ. թիվ 12/13-Ա որոշմամբ](#))

3. Սահմանել, որ «Հայաստանի Հանրապետության փաստաբանական դպրոց» հիմնադրամի կառավարման խորհուրդը կազմավորվում է երեք տարի ժամկետով՝ մինչև 2021 թվականի ապրիլի 7-ը ներառյալ:

4. Հանձնարարել Պալատի աշխատակազմի ղեկավարին՝ սույն որոշման մասին իրազեկել Փաստաբանական դպրոցի տնօրենին և կառավարման խորհրդի նորանշանակ անդամներին:

Հայաստանի Հանրապետության
փաստաբանների պալատի
խորհրդի նախագահ՝

Արա Ջոհրաբյան

07 ապրիլի 2018թ.

թիվ 7/11-Ա

ք. Երևան